

Opitz, Martin: Der gecreutzigte Cupido (1624)

1 In dem betrübten Ort der schwartzen Trawerfelder/
2 Von denen Maro sagt/ da grosse Myrtenwälder
3 Die armen bulerin vmbringen mit der Nacht/
4 Sah ich die Heldinnen die selbst sich vmbgebracht.
5 Ich sah ein jegliche dasselbe thun vorgeben/
6 Wie sie jhr vor der Zeit genommen hett jhr Leben/
7 Der dicke wüste Wald war Sonn vnd Mondes bloß/
8 Das schrecklich höllensee grundloß ohn rauschen floß;
9 An dessen stillen Bach man kaum herfür sicht schiessen
10 Die Hiacynthen blum/ vnd flüchtigen Narcissen/
11 Adonis Purpurfarb/ vnd Crocus gelbes Kleidt/
12 Auch Aeas stund aldar verhüllt mit Trawrigkeit.
13 Die sorgen ohne Ruh voll zehren/ leidt/ vnd krencken
14 Bewegen widerumb die Heldinen zu dencken/
15 Was sie zu vor alhier in solche Noth gestürzt/
16 Daß sie mit eygner Hand jhr Leben abgekürzt.
17 Die Semele beklagt wie Juno sie betrogen/
18 Daß sie durch falsch Geschenck im Feuer vffgeflogen/
19 Als Jupiter zu jhr mit Plitz vnd Donner kam/
20 Vnd Bacchum in sein Hüfft auß jhrem Leibe nam.
21 Die Coenis so zum Mann auß einer Jungfraw worden/
22 Weint/ daß sie widerumb sey in dem Weiber Orden.
23 Die Procris trucknet noch die Wunden/ vnd gibt acht
24 Auff jhren Cephalum/ der doch sie vmbgebracht.
25 Die Hero hat noch jetzt die Lamp in jhren Henden/
26 Nach welcher sich bey Nacht Leander mußte wenden.
27 Die Sappho jmmer zu vom weissen Felsen springt/
28 Die Eriphyle auch noch mit dem Tode ringt.
29 Was Minos hat gethan/ wie Creta sey gestanden/
30 Ist alles dunckler weiß alda gemahlt vorhanden/
31 Pasiphae die laufft dem weissen Ochsen nach/
32 Die Ariadne klagt von Theseus vngemach:
33 Die Ph

34 Dardurch Sie zu der Hult wolt jhren Stieffsohn treibe/
35 Die trāget einen Strick/ die jhrer Krone bildet:
36 Die hat auß grosser Scham jhr Angesicht verhüllt/
37 Daß Sie in Dedali geschnitzter Kuh gesteckt:
38 Laodamia klagt/ daß sie vom Grab erwecket
39 Protesilai Geist/ vnd jhn auch todt begert/
40 Die Thisbe/ Canace/ vnd Dido führn das Schwerdt/
41 So jhrem Gaste/ Mann/ vnd Vatter ist gewe sen:
42 Auch Luna kan noch nicht der Liebes brunst genesen/
43 Sie sucht Endymion mit jhrem bleichen Liecht/
44 Sie sucht Endymion/ vnd findet jhn doch nicht.
45 Noch hundert sein alldar/ die jhre Liebes flammen
46 Bald schätzen gut zu sein/ bald widerumb verdammen/
47 In deren mitte kompt Cupido vnverhofft/
48 Vnd läutert durch den Glantz die dicke hellen-Lüfft.
49 Sie kandten bald das Kindt/ ob gleich sein schöner Bog en/
50 Sein Köcher/ Pfeil vnd Gurt mit Nebel war vmbzogen/
51 So kennen sie jhn doch: der frembde werthe Gast/
52 Wird/ wie sie vor von jhm/ von jhnen angefast/
53 Es steht ein Myrtenbaum mit Tunckelheit vmbfangen/
54 An welchem vor der Zeit Adonis auch gehangen/
55 Als er Proserpinam nicht wider lieben wolt/
56 Vmb daß er nichts begert/ als seiner Venus hold:
57 An diesen haben sie den Amor angebunden/
58 Vnd billich jhm gethan/ was sie von jhm empfunden/
59 Es ward zu rechter Rach ein jegliche bewegt:
60 Die legt jhm an den Strick/ den Sie jhr angelegt/
61 Die wolte durch das Schwerdt sich rächen jhrer Nöthen/
62 Die meint jhn im Meer/ die in der glut/ zu tödten/
63 Die Myrrha wirffet jhn mit schönem Brennestein/
64 Der von der Threnenbach jhr soll geflossen sein/
65 Von andern/ denen er fast widerumb versöhnet/
66 Wird er vngleicher Art geschertzet vnd verhönet/
67 Die will das Blut besehn/ darvon die Rose kam/
68 Die helt ein Liecht hinzu/ beleuchtet seine Scham.

69 Auch Venus kompt herbey/ Sie lest jhr wolgefallen/
70 Diß jhres Sohnes straff/ vnd martert jhn vor allen/
71 Weil er/ als Mars bey jhr/ die Netz' herzu gebracht/
72 Vnd Vrsach ist/ daß auch Priapus wird verlacht.
73 Sie schlägt jhn/ ob er gleich viel Threnen thut vergiessen/
74 Mit einem Rosenkrantz/ biß man das Blut sicht fliesen/
75 Das Blut/ das rothe Blut wird miltiglich gespreit/
76 Das noch viel röter macht der Rosen schönes Kleidt/
77 Durch diß wirdt letztlich doch die Venus auch bewegt/
78 Daß Sie den grossen Haß vnd Grimm besette leget/
79 Die Heldinnen auch selbst die bitten Sie vmb Ruh/
80 Vnd schreiben jhre Noth gantz dem Verhängniß zu.
81 Die Mutter danckt hierumb/ dieweil sie nachgelassen/
82 Vnd jhn nun weiter nicht/ ob zwar ohn Vrsach/ lassen/
83 Cupido/ weil sie gleich in jhren Reden sein/
84 Fleucht weg/ vnd macht sich fort durchs Thor von Helffenbein.

(Textopus: Der gecreutzigte Cupido. Abgerufen am 23.01.2026 von <https://www.textopus.de/poems/10688>)